



Damondas da baghegiar

Nr. 09/2023

Datum da publicaziun: 03-02-2023
Patrun: Cajacob Bruno, 8853 Lachen
Representant: Biro d'architectura Maissan SA, Sedrun
Liug e parcella: Sumvitg-Tschepps; 6138
Object: spazzar e reconstruir tegia

Nr. 13/2023

Datum da publicaziun: 03-02-2023
Patrun: Hunger Lucian, 7176 Cumpadials
Representant: Holzbau Hunger, 7107 Safien Platz
Liug e parcella: Cumpadials-Foppa; 4067
Object: remplazzar finiastras

Nr. 14/2023

Datum da publicaziun: 03-02-2023
Patrun: Deplazes Giusep e Sylvia, 8342 Wernetshausen
Representant: Deplazes Alexander, 7173 Surrein
Liug e parcella: Surrein-Plazzas; 1465, 1466
Object: engrondaziun dalla casa e niev carport

Nr. 15/2023

Datum da publicaziun: 03-02-2023
Patrun: Beer SA, 7172 Rabius
Liug e parcella: Rabius-Via Sursilvana; 311
Object: construcziun d'ina casa da pliras famiglias

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Dils plans sa vegnir priu investa sin canzlia communal durant las uras da spurtegl.

Sumvitg, 03-02-2023

Cumissiun da baghegiar

Exposiziun publica dalla repartiziun dils cuosts dall'illuminaziun publica Pardomat Dado

Sebasond sin art. 9 dalla lescha da perimeter ha la suprastanza communal disponiu la repartiziun dils cuosts en connex cun suranumnuu perimeter.

La repartiziun dils cuosts vegn cheutras exponida publicamein naven dils 03-02-2023 durant 30 dis. Dils acts d'exposiziun sa vegnir priu investa sin canzlia communal durant las uras da spurtegl. A mintga pertuccau dalla procedura ei la repartiziun da cuosts vegnida communicada a scret.

Encunter sura repartiziun da cuosts sa vegnir protestau en scret e motivau enteifer il temps d'exposiziun tier la suprastanza communal.

Sumvitg, 03-02-2023

Suprastanza communal

Presentaziun dalla concorrenza d'architectura e formaziun dalla cuntrada Lag Salischinas

Igl atun 2022 ha la vischnaunca menau atras ina concorrenza d'architectura e formaziun dalla cuntrada per il project Lag Salischinas. A caschun da quella concorrenza ha la giuria d'experts tscharniu il project dil biro d'architectura Capaul e Blumenthal, Glion sco victur dalla concorrenza.

Mesjamna, ils 8 da fevrer 2023 allas 19.00 uras vegn informau davart il project sco era davart la concorrenza en casa da scola Surrein.

Program

1. avertura
2. beinvegni dil president communal
3. beivegni dalla cumissiun Lag Salischinas
4. informaziun davart la concorrenza
5. presentaziun dil project victur
6. explicaziuns davart il proxim agir

La suprastonza communal envida cordialmein all'orientaziun e spera sin stedia participaziun.

Sumvitg, 03-02-2023

Suprastonza communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 03-02-2023

Departament traffic

Meisa da miezdi (gentar comunabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar comunabel) inagada permeins, mintgamai il venderdis. Igl intent dalla meisa da miezdi duei esser da promover la cumminonza ella vischnaunca da Sumvitg e contuorn denter las persunas ella vegliadetgna dalla pensiun.

Liug: Ustria dalla Staziun, 7176 Cumpadials

Datum: **venderdis, ils 10 da fevrer allas 11.45**

Annunzias: Ein da far entochen mesjamna sera tier Ustria dalla Staziun, Cumpadials, tel. 081 943 19 22